

Alfabehtadiktáhta ja tastatur-hárjehallan

Alfabehtadiktáhta bokte besset oahppit hárjehallat sihke dadjat/jietnadit bustámaid ja gullat ja čállit daid. Lea buoremus organiseret nu ahte oahppit barget ovttas guokte ja guokte oahppi. Okta lea lohkki ja nubbi lea čállí. Okta lohka ovtta ja ovtta bustáma ja nubbi čállá bustámaid. Lohkki fertet maid mitalit goas lea gaska ja mearkkat čuokkis ja rihku.

Oahpaheaddji sáhtta válljet olles teavstta dahje osiid das, dahje sáhtta válljet áibbas eará teavstta. Dán teavsttas leat visot sámi bustámat go dat lea jurddašuvvon maiddá tastatur-hárjehallamii.

Čakča

Jahkodat

Maŋŋá giđa ja geasi bohta čakča. Čakča lea jahkodat mii bistá čakčamánu rájes gitta dassá go dálvá.

Lasttat ruškkodit ja gahččet eatnamii. Garra, čoaska biekkat bossugohtet. Jávrret jiknot ja skábmaáigi álgá.

Čakčabarggut

Skuvlaoahppit álget skuvlii ja olbmui leat ollu čakčabarggut.

Sii rádjet eret sihkkeliid ja trampolina, čorgejit šilju ja biilii bidjet dálvejuvllaid. Muhtimat murrejit, jognejit, bivdet ealggaid ja rievssahiid, gárddástallet ja njuvvet.

Čakčagárvvut

Čakčat ferte maid smiehttat mo galgá gárvodit. Ii heive šat álásjulggiid viegadiid, nu mo muoŧá láve. Čakčat ferte ohcat sihke gahpira, fáhcaid ja dálvegápmagiid. Arvebivttas lea maid vuogas, go čakčat arvá dávjá ja ollu.